



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

caput XXIII.

urn:nbn:de:hbz:466:1-29452

& ita fit, quòd tandem hæc omnia recompensantur
præmijs varijs in hac & pòst hanc vitam, &c.

CAPVT XXIII.

ARGVMENTA.

1. *Quis sit Christus in sua persona.*
2. *Quare donatus sit nobis peccatoribus.*
3. *Quapropter ipsum accipimus à Deo patre.*



Christus est verus Dei & Mariæ virginis
filius: filius Dei ab æterno à patre geni-
tus, Mariæ filius in tempore gratiæ na-
tus: Primum, Christum esse filium Dei,
vbiq; testatur scriptura, & maximè Io-
annes Euangelista vrget totum suum Euangeliũ pro
illo articulo, ita quòd Euangelium suum incipit &
concludit cum fide, quòd Christus sit filius Dei: In
principio, inquit, erat verbũ, id est, principio omni-
um creaturarum, ergo æternus, non habens princi-
pium cum creaturis, Ioã. 1. & 2. cap. Hęc scripta sunt,
vt credatis quoniam Iesus est Christus filius Dei, vt
hoc credentes, vitam habeatis in nomine eius. Et 1.
Ioan. 4. Omnis qui confessus fuerit quoniam Iesus
est filius Dei, Deus in eo manet, & ipse in Deo. Et idẽ
5. cap. Hęc est fides quæ vincit mundum, id est, pecca-
tum, mortem, diabolum, tyrannidem mundi, qui cre-
dit quoniam Iesus est filius Dei. Maximè hoc creden-
dum est contra Arrianos hereticos. Deindè quòd Ma-
riæ sit filius secundum humanitatem, simul scriptu-
ra tota & omnes Euangelistæ testantur. Matt. 1. De
qua natus est Iesus, qui vocatur Christus. Et Ioan. 1.
Verbum caro factum. Gal. 4. Natum de muliere. Sic
in symbolo dicimus, Natus ex Maria virgine &c. Est
igitur Christus in sua persona, Dei & virginis filius.
Ideò datus est hominibus in mundo, vt quæreretur
& saluum faceret quod perierat, Luc. 19. Et quia to-
tus mundus & natura nostra oppressa fuit damna-
tione

tione & peccato, sicut dicit Propheta Psalm. quinto, Omnes declinauerunt, & inutiles facti sunt, & Paulus Rom. 3. Omnes peccauerunt, & egent gloria Dei: Ideò datus est omnibus hominibus, vt illorum sit redemptor à peccato & saluator. Nam pater posuit in eo iniquitatem omnium nostrum, Esaię 53. Factus est hostia & propitiatio pro peccatis totius mundi, 1. Io. 2. Mortuus est propter peccata nostra, Rom. 4. Ideò ipse est agnus ille paschalis oblatu pro peccatis nostris ac totius mundi, 1. Corinth. 5. Qui solus potuit nos reconciliare patri.

2. Nisi Christus semetipsum obtulisset hostiam pro peccato, Galat. 1. nullum esset in mundo remedium contra peccata, nulla remissio, nulla salus, nullus fauor & misericordia Dei erga nos, nullum subsidium Dei contra demonem & sathanam, ille enim plenam in nos haberet potestatem: ideò quòd sumus filij & in gratia Dei, quòd remittit peccatum, protegit, nutrit, saluat, totum ex merito istius hostiæ est, scilicet Christi. Ipse morte sua omnia reconciliauit patri, & aperuit regna cœlorum, & agnus solus est qui tollit peccata mundi. Ioan. 1.

3. Propter ipsum Christum pater cœlestis tria nobis promisit, si in illum crediderimus, & vt illa sint nobis certissima, mortem & ipsum Christum in pignus istarum promissionum dedit.

Promissio
prima.

Primò promisit misericordiam suam, vt propter nomen Christi filij sui remitterentur nobis peccata, si pœnituerimus & cessauerimus, gratis sine nostro merito, sed propter illius meritum, quòd mortuus est pro peccatis nostris, & resurrexit propter iustitiam nostram, Roman. quarto, quàm Deus pater vult nobis imputare in accusatione legis, peccati, & mortis. Hanc promissionē vbique denunciant Apostoli, Roman. 3. gratis iustificati in sanguine eius. Petrus Actor. 10. Huic omnia Prophetę testimonium perhibent

hibent, remissionem peccatorum &c. Sic Lucæ vltimo Christus ipse dicit, quòd prædicari debeat pœnitentia & remissio peccatorũ in nomine eius. Signanter dixit, in nomine eius, quia propter ipsum Christũ stat firma promissio, & nõ propter nostra merita, quę semper sunt incerta & insufficientia. Ideò Deus vult nobis remittere peccata propter Christum, vt simus certi in Christo. Roma. 4. qualitercunq; etiam se habeat nostra conditio.

Pœnitere, confiteri, fructus pœnitentię agere debemus, sed fiduciam remissionis transferre in Christum, quia propter illum, & non propter nostram pœnitentiam, est promissa & certa salus, licet & opera nostra necessariò fieri oporteat, hoc est, pœnitentiam & cessationem à vitijs: Nam Fides quę cupit remissionem illam promissam propter Christum, nõ delectatur in peccatis: quòd si delectatur adhuc in vitijs, iam non est vera fides, neq; capit iustitiam, & de illis dicitur Matth. 7. Non omnis qui dicit mihi Domine Domine, &c. propter firmam igitur consolationem & certitudinem de remissione peccatorum, conscientia remittitur ad Christum, & non ad propria opera & merita. nos enim serui inutiles manebimus, quantumcunq; etiam pœnituerimus, & opera fecerimus, nihil nobis debetur, Lucæ 17. Igitur si ad propria opera respexerimus, sumus incerti. Certi autem in Christo, quia propter ipsum vult Deus pater remittere peccata. Roma. 3. quem constituit propitiatorem in sanguine eius.

Secundò promissit nobis pater exaudire & donare, quicquid petierimus eũ in nomine filij sui, hoc ipsemet Christus testatur Ioã. 16. cum iuramento, ne dubitemus, inquit: Amen amen dico vobis, si quid petieritis patrem in nomine meo, dabit vobis, idest, propter nomen meum, non propter nostra verba, clamores, gestus, inclinationes, &c. Hęc enim exiguntur

Promissio
2.

guntur & fieri debent, sed causa non sunt propter quam nos exaudiat pater, sed ipse Christus: propter illum nos vult exaudire. ob id Ecclesia concludit omnes collectas & orationes, per Dominum nostrum Iesum Christum &c. Sic i. Ioan. 5. Hęc est fiducia, inquit Apostolus, quā habemus ad Deum, quia quodcunq; petierimus secundum voluntatem eius, audit nos. Notanter autem dicit, secundum voluntatem eius, id est, quæ Deus vult vt ab ipso petantur: quod si petitio non erit secundum eius voluntatem, ibi non exaudiet: & vt esset nobis certa forma orandi, quā orationem Deus vult exaudire propter Christum prescripsit illam Matt. 6. Pater noster qui es in cœlis &c. In omni igitur tribulatione & necessitate vult Deus pater hęc in presenti nos exaudire propter Christum, & nos certi sumus propter pignus Christum.

Promissio

3.

Tertiò promissit Deus pater propter ipsum vitam æternam i. Ioan. quinto. Deus dedit nobis vitam æternam in filio. qui habet filium, habet vitam æternam: qui non habet filium, vitam non habet, id est, qui non credit in filium Dei, is non est, neq; habet filium Dei: sed qui credit in illum, illius proprius est cum omnibus donis. Rom. 8. Qui dedit filium, quomodò non omnia cum filio? Ergo quia vita æterna posita est in filio, & qui filium habet, etiam vitam æternam. Sic Ioan 3. sicut exaltauit Moyses serpentem &c. propter Christum igitur nobis donatur salus, nõ propter obseruantiam nostram legis. Etsi illa necessario sequi debet, quòd sine illa hęc promissio vitam non retinetur. Rom. 8. Si secundum carnem vixeritis, moriemini: vult tamẽ Deus ornari nostram obedientiam legis, ex gratia propter Christum, præmijs in hac & post hanc vitam, & omnia compensare gloria æterna: Sed certitudo habetur in Christo filio Dei, vt laudetur gloria gratiæ eius Eph. 1. Iocunda est hęc doctrina conscientię, quòd sciat promissiones Dei fore

fore certas propter Christum, & non ob nostra merita. Ideò dicebat Propheta Psal. 113. Non nobis Domine, non nobis, sed nomini tuo da gloriam. Sed propterea non auocari nos patiamur à studio bonorum operum: hoc neglecto, promissiones nihil erunt, etiam si non propter illa sint efficacia. Exigit enim Deus illa ad laudem & gloriam suam, Phil. 1. Sunt quoque gratiæ nostræ, & sua habebunt præmia.

CAPVT XXIII.

ARGVMENTA.

1. *Quòd Christi mors vnica sufficit ad tollendum omnia peccata, præterita, præsentia & futura.*
2. *Quomodo efficacia illius mortis distribuitur per media.*
3. *Quòd media licet exigantur, non tamē sunt pars salutis nostræ, sed solus Christus est totus & vnicus Saluator, cui totum tribuitur: & solum ipsius opera, & non nostra, vincunt peccatum, mortem & Sathanam.*



Postolus inquit, 1. Ioan. 2. Ipse est propitiatio pro peccatis totius mundi, id est, pro omnibus peccatis quæ in mundo vnquam facta sunt aut fieri possunt, solus Christus est propitiatio: Nam illum posuit Deus propitiatorem in sanguine eius Rom 3. Sic Esa 53. In eo posuit iniquitatem omnium nostrū, quotquot in mūdo sunt, tam originale quàm actuale. vnica igitur mors Christi, semel facta, Rom 6. sufficit ad tollendum omnia peccata, præterita, præsentia & futura, inquit Lyra, Ro. 6. Hic agnus igitur Dei tollit